

蜀

故

四

蜀故卷十五

人物

人

母

墓

墓

墓

墓



楊太博資州人也年十六廬父母墓三年有神燈照墓猛
虎馴伏有白兔之異蜀相王公上聞降輟獎表其門閭
資州人陰元之少習五經尤精左史父歿廬墓六時臨哭
常有溪龍山虎助其號聲久之亦有鬼神助哭每夜常有
一燈來照墓前至明乃息又丁母憂廬墓凡六年草廬破
壞終不再葺處於土穴中每患冷氣腰脚聲音嘶啞而誦
不倦每謂人曰干名求進非為己身吾二親俱歿祿不及

養何用名為竟不應不貧苦終身八十餘年而卒
勾龍宏道居梓潼山下偃武亭南廬墓於官路之東年逾
八十髮長丈餘父母二墳各生紫芝一莖高六七寸馴伏
猛獸以為常焉廣明辛丑歲僖宗幸蜀親幸其第坐於庭
中巨石上宏道尋作亭子覆護其石山已年駕回又臨幸
之頒賜錢帛衣物甚多來往皆為之駕駐劍州詔復其租
賦三年仍賜旌表
三月
支漸蜀之資陽人母喪廬於墓蛇素狸繞其傍皓鳥嚙雀
集於體

構杭載逢池人程宗雅母疾泣竹林得冬筍則泣筍不止
孟宗也

黃璿富順人字公瑾年十二其祖病渴思螺湯時天寒冰
凍家人遍求弗得璿往田中於水下得螺四十枚持歸作
湯以進祖病愈璿後歷任中外致政而歸築室錫溪以奉
母母歿廬墓芝草生於塋域少傳夏元吉國子祭酒胡儼
皆作詩美之

楊蔭射洪人甫七歲妖賊蔡百貫攻城士民盡逃蔭隨八
旬祖母依城不去賊至問故答以祖母老不能行賊嘉其

孝遂不毀城中房屋事聞建坊旌表

隗叔通楚人也性至孝母每病食必須江水水難汲一旦

水中石出便於汲水至今尚在江中號孝子石

杜孝巴郡人母嗜魚膾杜役於成都買魚盛以竹筒投之

江祝曰願母得此作膾婦出汲忽見竹筒浮至異而取之

見二魚曰夫所寄也熟以進姑聞者嘆其孝感

達州民某兄弟二人甚友愛弟未授室而他出其兄賣身

得十二金為聘婦弟歸娶知兄賣身事乃相持而泣遣其

婦往母家取原金為兄贖身湖南流民二人某某知其事

尾之中遂擊婦死而攫其金忽迅雷大震擊二人立斃其尸羅跪於婦之門手中持十二金頃之婦復甦歸至其家則二人者已先跪門外婦語其故兄弟鄰里及州人來觀者如堵莫不嘆異以為孝友強暴之報施不爽如此

合州李實號虛菴由進士以都給事中加侍郎職當英宗北狩舉朝無敢往者實獨以卑騎入敵營面折也先得見英宗帝喜曰在此逾年始見卿至時實賦有重整衣冠拜上皇脩聞聖語重淒涼之句生平有瞻智風力雄辯而忠義震懾敵敵無不屈服自實此行復漸議迎駕論者迴鑾

之功不在李賢而在實云

宜賓范珠字介菴成化丙辰進士浙江道御史嘉靖初議
大禮諸臣廷諫欲刑以錫蛇珠解衣裸體自糾錫蛇伏諫
曰陛下若納臣言則天下治不納則亂上怒欲加刑忽風
雨暴至雷擊錫蛇獲免上嘉其直賜對聯曰栢府霜操真
御史黃堂直正古諸侯又賜金瓜一對稱為鐵面御史
胡子昭大足人任榮縣學訓導陞翰林院檢討歷刑部侍
郎建文初充纂修官文皇渡江與方孝孺同死臨刑賦詩
云雨間正氣歸泉壤一點丹心在帝鄉嘉靖中立祠祀之

胡子義子昭之弟也膺辟薦分教威遠歷山東僉事聞兄
死節棄官避世隱於丹稜縣民家蜀王知而憐之生子二
各年數歲乃曰天不絕胡氏二子當免於難遂棄去不知
所終有懷鄉詩曰一區廢宅棠山下半畝方塘夕照中鄉
國匪遙身自遠乾坤雖大足難容

苟惠通江人剛烈有胆略正德間鄆藍賊起惠率兵羅徇
軍為犄角以擊之賊破退走龍潭惠從間道衝殺賊溺死
水中水為之不流復與賊戰於松樹埡殺傷甚多會日暮
賊伏兵出惠力戰而死官錄其子策良策良方廬墓賊擒

之去亦不屈死

苟溥者苟惠族弟也素負勇略膂力兼人駟藍賊陷城煙
燭蔽天溥帥銳卒五百人合兵進擊賊敗於三花頂兵聲
大振又敗於龍潭屍骸枕藉山谷後數百賊潛入溥家短
兵相接戰於門身被數十劍父子兄弟同時戰死者二十
五人

鄒公瑾江津人洪武時以明經薦任本縣教諭遷監察御史建文遜國死之

劉養貞大邑人由進士歷湖廣漢陽府推官陞部署郎闈

賊犯都懷宗之難貞為持服至墓悲泣如喪考妣食貧卽
舍必賣卜為生人呼為劉孝子病卒於燕京
邛州劉道貞字墨仙天啓辛酉舉於鄉張猷忠據成都貞
走沉黎激厲士漢同曹勲等舉兵敗賊於小關山後以憂
辭病卒於黎城戶部范文光輓詞云討仇終有恨學佛竟
無成聞者莫不傷悼
合州鄒汝愚時讀書龍泉菴掃樹葉繼膏火成化丙午領
解郡人聚觀馬上口占曰龍泉菴上苦書生偶竊三巴第
一名世上許多難處事鄉人何用太相驚後先以庶吉士

劾奏萬安劉吉尹直皆免劉吉百計圖陷因謀誣湯鼐事
並逮先生獄謫廣東石城吏目其寫懷詩朝野方傳英主
事安危寧係小臣身銀山鐵壁雖難動玉色金聲本易親
人到白頭都是盡事垂青史定誰真夢中不識身猶繫又
逐東風入紫宸被貶辭朝詩云雲韶聲靜拜彤墀轉覺
媛不自持罪大故應誅兩觀網疎猶得竄三危盡披肝胆
知何日望見衣裳正此時但願太平無一事孤臣萬死更
何悲宋儒後接道脉之傳者於明得理學名臣十四人化
中智居其一焉

彭乾永川人舉孝廉令平涼莊浪縣會歲歉民乏食賦役
繁重道殣相望流賊一斗谷王老虎等蟻聚蜂屯平涼無
堅城所向皆破乾以崇正五年由間道馳至脩器械選材
勇謀食謀守身親督率俄而賊大至圍攻一晝夜見城內
有脩即散去去而復來雲梯銃弩百道俱廢公隨機應敵
如出憤習鼓勵壯勇登陴死守令婦女負石掘土以供填
飛擊之用直至四十七日而賊始撤去莊浪得全自此以
後習公守脩之法賊屢至不能破公解圍後以勞瘁成疾
而卒百姓哀之時以國家多事不得上請民為立祠於關

帝廟側春秋祀之至今猶然予過其地進謁因記之
獻賊自荊州上峽攻陷重慶蜀撫都御史陳士奇重慶太
守王行儉巴縣令王錫同日罵賊被磔死鄴都林明雋作
三忠傳巴人立三忠祠祀之

明尚書王公德完字希泉廣安州人萬歷庚子時山東馮
琢菴琦南充黃慎軒輝同侍皇長子曰講退謂王公曰今
日皇長子悶言母后憂危狀殆不自保馮又曰今日之計
母后安則皇長子安而天下安否則危矣須得一人拚性
命說破庶有濟乎王公慷慨起曰此言官責公詞臣無可

言然某言之必死老母弱子以累慎軒矣疏入神宗大怒
下詔獄究問主使之人當是時馮公自分不免王公偸任
慘毒但云道路喧傳高皇使語不及他拜杖謫歸天啓中
起廢籍至尚書公在獄中家書及馮黃二公手札敬錄於
此家書云十月二十八日男上中宮本蓋中宮危則皇長
子危長子危則宗廟社稷危此回天機括曲突徙薪上策
男赤心為國奮不顧身冒昧陳言致皇上震怒拏送鎮撫
司考訊人臣盡忠報國獨立敢言誰為主使皇上初震雷
霆計且不測幸賴二祖列宗在天之靈皇上夢一金甲神

人持鞭而撻宮殿搖動因此上心驚懼男遂於廷杖止繫
 鎮撫司中出則無期也各衙門三上疏救皆不報男思人
 臣為宗廟社稷即死亦可不朽矧我祖宗父母積德累仁
 今得不死非聖主恩深焉能再造耶萬里長途兩位老母
 暮年聞此信息驚皇憂慮恐致成病則不孝之罪無所容
 於天地間矣馮公云千古綱常萬年宗社係兄此舉蓋向
 來所言止及國本而兄所言者事之本也烈心奇節與鄒
 爾瞻等而所關比爾瞻更大國史野史大書特書不一書
 矣雷霆之下笞箠慘并百僚悸心千夫隕涕寄九死於九

關而不死社稷實憑之既逆隆旨于天譴士之處此當以
忠智相兼有身在無忘主恩有舌在無談國事事在身外
身在世中鷗波萍跡足寄此生柴車就道形踪宜晦即遇
故舊一夫一馬亦勿受之貂璫滿途百凡寧過慎耶行矣
足下相與淺而意則深業已成千秋之事為千秋之人事
事須與此舉相稱合龍逢黃綺為一人乃為全盛若異日
出而肩大任建大業則在天不在我然聊以兄之出處卜
之也勿煩作報書有所欲言他日覓便相聞可耳黃書略
云臣罪當誅今天王明聖此語至當真見古人之心譬如

父母反目泣諫不從大杖而走豈湏臾忘然慕哉常存此
心自不見直言得罪有毫髮之可矜負也天下人公共大
事被兄一肩擔盡所關至大而弟所言欲百尺竿頭更進
一步蓋責賢者愛不能已耳
韓國士瀘州衛人以勲裔為諸生藺賊逼城垂陷守者開
門降國士義不肯屈囑妻朱氏三人女二人皆縊死乃題
句於外壁曰不貪倖生不污賊及闔室同歸甘於一爐題
畢燬其室身赴烈焰死
傳生納谿學生藺賊起生聞悲泣數日具酒食與親鄰永